



Broj:01-01-969-1/08
Lukavac,31.01.2014.godine

Na osnovu 58. Zakona o principima lokalne samouprave u Federaciji BiH („Službene novine F BiH“, broj:49/06 i 51/09), člana 32. Statuta Općine Lukavac-prečišćeni tekst ("Službeni glasnik Općine Lukavac", broj 5/08), i člana 132. stav 2 Poslovnika o radu Općinskog vijeća („Službeni glasnik Općine Lukavac“, broj: 5/06, 2/09 i 5/09), Općinsko vijeće Lukavac je, na 15.redovnoj sjednici održanoj dana 31.01.2013.godine,donijelo

ODLUKU o izmjenama i dopunama Statuta Općine Lukavac

Član 1.

U Statutu općine Lukavac –prečišćeni tekst („Službeni glasnik općine Lukavac“ broj:5/08“), (u daljem tekstu: Statut) u članu 21. Stav 1 iza riječi „mjesto“ briše se tačka dodaje zarez i tekst „od čega 29 redovnih i 2 zagarantovana mandata za nacionalne manjine.“.

Član 2.

U članu 25. Statuta stav 2 se briše.

Član 3.

U članu 27. Statuta u stavu 1 broj „15“ se zamjenjuje brojem „30“.

Član 4.

U članu 28. Statuta dodaje se novi stav 1 koji glasi:
„Općinsko vijeće ima predsjedavajućeg Općinskog vijeća i dva zamjenika predsjedavajućeg Općinskog vijeća“.

U stavu 5 riječ „Zamjenik“ se zamjenjuje riječima „Jedan od zamjenika“.
Dosadašnji stavovi 1,2,3, 4 i 5 postaju stavovi 2,3,4, 5 i 6.

Član 5.

U članu 29. Statuta iza riječi „volonterska“ briše se tačka dodaje zarez i tekst „ukoliko Općinsko vijeće posebnom odlukom ne odluči drugačije.“.

U istom članu dodaje se stav 2 koji glasi:
„Plaća, odnosno posebna naknada predsjedavajućeg Općinskog vijeća koji dužnost obavlja profesionalno, odnosno volonterski utvrđuje se posebnom odlukom Općinskog vijeća na prijedlog Komisije za izbor, imenovanje i administrativna pitanja.“.

Član 6.

U članu 31. Statuta iza riječi „Vijeća“ briše se tačka, dodaje zarez i tekst „i vrši tonsko snimanje sjednice.“.

Član 7.

U članu 33. Statuta u stavu 2, alineja 2 brišu se riječi „Općinskog načelnika“ i „sekretara Općinskog vijeća“.

Član 8.

U članu 35. Statuta stav 1 mijenja se i glasi:

„Za pripremanje i razmatranje prijedloga, odluka i drugih akata, kao i za praćenje i proučavanje drugih pitanja i nadležnosti Vijeća, formiraju se radna tijela Vijeća. Kao radna tijela Općinsko vijeće može formirati komisije, savjete, odbore i druge vrste radnih tijela“.

U istom članu u stavu 4 iza riječi „rada“ dodaju se riječi „stalnih radnih tijela“, a iza riječi „poslovníkom“ briše se veznik „ili“ i daju riječi „a povremenih radnih tijela“.

Član 9.

Iza člana 35. Statuta dodaje se novi član 35.a koji glasi:

„Društvena briga za zdravlje na nivou općine utvrđuje se kroz osnivanje Zdravstvenog savjeta na nivou općine.

Zdravstveni savjet iz stava 1 ovog člana broji od 8 do 10 članova u skladu sa Zakonom o zdravstvenoj zaštiti F BiH.“

Član 10.

Član 37. Statuta mijenja se i glasi:

„Općinski načelnik je izvršni organ općine.

Načelnik se bira direktnim izborom od strane birača upisanih u Centralni birački spisak općine.

Za načelnika je izabran onaj kandidat koji je dobio najveći broj glasova.

Mandat načelnika traje četiri godine i vezan je za mandat saziva općinskog vijeća.

Mandat načelnika izabranog na prijevremenim izborima teče do redovnog isteka mandata općinskog vijeća.“

Član 11.

Član 38. Statuta mijenja se i glasi:

„Izabranom načelniku prestaje mandat prije isteka vremena na koje je izabran u skladu sa odredbama Izbornog zakona.

Načelnika za vrijeme privremene odsutnosti ili spriječenosti zamjenjuje dužnosnik ili djelatnik općinskih organa uprave, kojeg on ovlasti.

Dužnost načelnika u slučaju prestanka mandata u smislu stava 1. ovog člana i u slučaju opoziva u smislu člana 39. Statuta do ponovnog izbora načelnika, vrši osoba izabrana od općinskog vijeća natpolovičnom većinom od ukupnog broja članova općinskog vijeća.“

Član 12.

Član 39. Statuta mijenja se i glasi:

„Inicijativa s obrazloženjem za pokretanje postupka opoziva načelnika može biti pokrenuta od općinskog vijeća putem 1/3 vijećnika općinskog vijeća ili 10% registrovanih birača na području općine.

Općinsko vijeće dužno je sve inicijative za pokretanje opoziva načelnika iz stava 1. ovog člana staviti na dnevni red naredne sjednice općinskog vijeća.

Odluka o pokretanju opoziva načelnika donosi se većinom glasova od ukupnog broja vijećnika u općinskom vijeću. U slučaju prihvatanja inicijative općinsko vijeće dužno je donijeti odluku o pokretanju postupka opoziva načelnika u roku od 30 dana.

Ako općinsko vijeće donese odluku o prihvatanju inicijative opoziva načelnika, provodi se postupak u kojem građani odlučuju direktnim tajnim glasanjem. Mandat načelnika prestaje ukoliko natpolovična većina građana koji su glasali donese odluku o opozivu načelnika.

Odluka građana je obavezujuća za općinsko vijeće i načelnika.

Član 13.

Član 40. Statuta mijenja se i glasi:

„Nakon prestanka mandata načelnika u smislu člana 38. Statuta i opoziva načelnika u smislu člana 39. Statuta prijevremeni izbori za izbor načelnika moraju se održati u roku od 60 dana od dana prestanka mandata ili opoziva.“

Član 14.

U članu 42. Statuta dodaje se stav 4 koji glasi:

„Nakon prestanka dužnosti načelnika, a do početka ostvarivanja plaće po drugom osnovu ili do ispunjavanja uvjeta za penziju, načelnik ima pravo na naknadu plaće u skladu sa zakonom.“

Član 15.

U članu 44.f Statuta broj „30“ zamjenjuje je brojem „60“.

Član 16.

U članu 49. stav 2 Statuta iza riječi „načelnik“ briše se tekst „uz saglasnost Općinskog vijeća“.

Član 17.

U članu 65. Statuta stav 5 se briše.

Član 18.

U članu 75. Statuta stav 2 mijenja se i glasi:

„Statut mjesne zajednice usvaja vijeće mjesne zajednice 2/3 većinom uz prethodnu mišljenje Službe za opću pravu, privredu i društvene djelatnosti.“

Član 19.

Član 76. Statuta mijenja se i glasi:

„Statutom mjesne zajednice se u skladu sa zakonom i ovim Statutom uređuje se: osnivanje mjesne zajednice, njena nadležnost, organi mjesne zajednice, njihova nadležnost, način finansiranja, odnos prema općini i njenim organima, odnos prema drugim pravnim licima na području mjesne zajednice, saradnja sa drugim mjesnim zajednicama i druga pitanja od značaja za rad mjesne zajednice.“

Član 20.

U članu 77. Statuta dodaju se se stavovi 2 i 3 koji glase:

„Organi mjesne zajednice iz prethodnog člana biraju se po postupku utvrđenom odredbama ovog Statuta i Statuta mjesne zajednice.

Mandat organa mjesne zajednice iz prethodnog člana traje četiri godine, odnosno do isteka mandata u sazivu Općinskog vijeća u kojem su organi mjesne zajednice izabrani.“

Član 21.

U članu 77.a Statuta dodaje se stav 3 koji glasi:

„ Način rada i odlučivanja organa mjesne zajednice utvrđuje se Statutom mjesne zajednice, koji mora biti u skladu sa odredbama ovog Statuta.“.

Član 22.

U članu 77.b Statuta iza riječi „zajednice“ se briše tačka i dodaju riječi „ i iz sredstava koja ostvari mjesna zajednica.“.

Član 23.

Član 78. Statuta mijenja se i glasi:

„ Broj članova vijeća mjesne zajednice utvrđuje se statutom mjesne zajednice, prema broju birača upisanih u centralni birački spisak na području mjesne zajednice.

Vijeće mjesne zajednice ima:

- 7 članova u mjesnim zajednicama u kojima je u centralni birački spisak na biračkim mjestima te mjesne zajednice upisano do 1.000 birača;*
- 9 članova u mjesnim zajednicama u kojima je u centralni birački spisak na biračkim mjestima te mjesne zajednice upisano od 1.000 do 2.000 birača i*
- 11 članova u mjesnim zajednicama u kojima je u centralni birački spisak na biračkim mjestima te mjesne zajednice upisano preko 2.000 birača.“.*

Član 24.

Član 79. Statuta mijenja se u glasi:

„Vijeće mjesne zajednice se konstituše na sjednici vijeća mjesne zajednice koju saziva predsjednik iz straog saziva vijeća mjesne zajednice, a ukoliko je isti spriječen najstariji kandidat za člana vijeća mjesne zajednice iz prijedloga političkih subjekata.

Vijeće mjesne zajednice bira predsjednika većinom glasova od ukupnog broja članova u vijeću mjesne zajednice. Vijeće mjesne zajednice dostavlja zapisnik sa konstituirajuće sjednice službi za upravu, koja donosi rješenje o sastavu vijeća mjesne zajednice.

Prijedlog kandidata za člana vijeća mjesne zajednice podnosi općinski odbor političkih subjekata koji su na lokalnim izborima osvojili mandate u vijeću mjesne zajednice, uvažavajući izborne rezultate u mjesnoj zajednici u kojoj se vrši izbor člana vijeća mjesne zajednice.

Prilikom predlaganja i izbora članova vijeća mjesne zajednice mora se voditi računa da svako mjesno područje (ili više manjih naselja) mora bit zastupljeno u vijeću mjesne zajednice, kao i da sastav članova vijeća odražava polnu zastupljenost u skladu sa članom 20. Zakona o ravnopravnosti spolova u BiH, približno nacionalnu i strosnu strukturu stanovništva mjesne zajednice.

Broj mandata koji pripadaju svakom političkom subjektu utrđuje se odlukom nadležne službe za upravu na način propisan članom 9.5 Izbornog zakona BiH, s tim da u raspodjeli mandata ne mogu učestvovati politički subjekti koji nisu osvojili veći broj glasova od broja koji se dobije dijeljenjem ukupnog broja važećih glasova u mjesnoj zajednici sa brojem vijećnika koji broji vijeće te mjesne zajednice.“

Član 25.

U članu 82. Statuta u stavu 1 iza riječi „vijeće će“ dodaju se riječi „na prijedlog nadležne službe za upravu“.

Član 26.

U članu 86. Statuta u stavu 1 iza riječi „vijeće“ briše se tačka i dodaje tekst „putem nadležne općinske službe za upravu“.

Član 27.

U članu 104. Statuta u stavu 2 iza riječi „akata“ dodaje se tačka, a ostatak teksta u stavu briše.

Član 28.

U članu 109. Statuta briše se stav 3.

Član 29.

Član 125 Statuta mijenja se i glasi:

Statut, izmjene i dopune Statuta, odnosno autentično tumačenje Statuta Općine usvaja se dvotrećinskom većinom glasova ukupnog broja vijećnika.

Član 30.

Član 126. Statuta mijenja se i glasi:

Prijedlog za pokretanje postupka za promjenu Statuta može podnijeti najmanje jedna trećina vijećnika Općinskog vijeća, načelnik i Komisija za statut i propise vijeća.

Prijedlog iz stava 1. ovog člana mora biti obrazložen, a podnosi se predsjedavajućem Vijeća u pismenoj formi.

Prijedlog za promjenu Statuta razmatra se na sjednici Vijeća.

Ako se ne prihvati prijedlog za promjenu Statuta, isti prijedlog se ne može ponovo staviti na dnevni red Vijeća prije isteka šest mjeseci nakon što je rasprava o prijedlogu na Vijeću zaključena.

Član 31.

Član 127. Statuta mijenja se i glasi:

Komisija za statut i propise Vijeća izrađuje nacrt Statuta i upućuje ga na razmatranje Vijeću.

Vijeće zaključkom upućuje nacrt Statuta na javnu raspravu.

Prijedlog Statuta izrađuje Komisija za statut i propise.

Prijedlog Statuta i izmjene i dopune Statuta usvajaju se dvotrećinskom većinom ukupnog broja vijećnika, po proceduri utvrđenoj poslovnikom Vijeća.

Član 32.

Ova odluka stupa na snagu danom objavljivanja u „Službenom glasniku Općine Lukavac“.

*PREDSJEDAVAJUĆI
OPĆINSKOG VIJEĆA
Dr. Dževdet Osmanbegović*